

## Vorred.

men verordnet/ in welchen reymen fürs Erst/aller Welt handel/thuen/ vnd lassen/hantierung/vnd gwerb/auch der Planeten Wirkung/warer lauff/ vnd gang/vnd wie die Himelischen/vnd Elementlichen Influss / von oben herab in diese vndere Welt wirken/ sampt Menschlicher blödigkeit/ zufelen/ vnd Kranckheiten/ auch deren Curen/vnd anzeigungen syler anderer wunderlichen sachen/wie den dieselbigen diser Schwebenden zeit/im Lauff / vnd gang gondt/auffs Kürhest beschriben/welches für den Gemeinen Man/vmb zeit Purbunge/also besten mag.

Zum andren/auserthalben des Sentences/denn die reymen für sich selbert geben/warend in denselbigen Reymen ettliche wörter/die zu den (*ad Marginem*) verzeichneten Characters dienen/die damit sampt den zeichen/ so dargegen stunden / auch einn/ besonderen sentenz machten/vnd geben etc. Welcher sentenz die *Mutationem*/ vnd verendrunge aller Metallen / vnd Minerischen dingen/auch Kreitter/ Wurzen / Kressen / vnd Tugent gleich wie js in disen die heitern wort Lernen ausziehen/ Die Element scheiden/ vnd das fünffte wesen/auss allem dē das auff dem Erdboden ist ziehen/vñ in Del/Salg/vnd *Mercuriū*(das ist *Spiritus Sulphur*/vnd wasser) bringē men schlichem Körper/vnd dessen zufalen/zu Hilff trost/Rat/ vnd Erhaltung etc.

Zum dritten/so warend wie js auch in den Reymen begriffen/die höchsten haupt Kranckheiten denen das Menschlich Geschlecht vnderworfen sampt deren Curen/vnd *Arcanis* auch Kreitter/Stein/vnd anders dorzu dienstlich/wie vnd wormit dieselbigen Curiert/geheilt / vnd vertriben werden sollen / darneben auch wunderliche endrung der Metallen/vnd in summa feil heimlichkeit der *Medicin*/vnd *Alchemey* doch im ersten truck nit gar austruckentlich/sonder allein verborgenlich durch Character vnd Zeichen/doch warhafftig/vnd der massen beschriben/das der recht Sentenz durch langs nach sinnen/ js aber durch lesen wol kan/vnd mag verstanden werden.

*Ad Marginem* aber dann stunden vorhin die zeichen / deren manchs ein wort / ettliche 2. oder 3. anzaigen/js aber stont die Heitern austruckten wort in welchen die verendrung aller *Mineralischen Corporū* /sambt denen dingen so zu auszichung irer Essenz/vnd hosten Krafft dienen /in welchem der grund Konst *Alchemie*(doch mit hilff vnd zuseh der wörter in den Reymen/sambt den zalen/ so dorbey beschriben/eigentlich anzeigt vñ an tag gebē.

Vnd damit nichts auserthalben guter zeugnüs von mir virgenomen/geret/vnd beschriben würde/so hab ich im vorausgangnen buch ausserthalbē den zallen zeichen vnd reymen die *Authores* by dem *Biblischer Philosophischer Poetischer*/vnd *Heidnischer* geschribten/ die *Historien*/gshicht/ vnd *Konst*/ vnd *Taten* (so vil den sentenz belangt) beschriben gefunden wirt/vnd ist hirin nichts beschriben das nit entweder vns von den vor Eltern zu ewiger gedechtnüs hinder in verlossen/oder ich selbert erfahren hab.

Vnd dieweil in disem Buch die 7. Planeten jeder mit seiner art vnd eigenschafft/ lauff gwerb/sampt art/ Natur/ Kranckheit/Kreitter / Steinen/ vnd seiner Kinder Leben/vnd allem das im vnderworffen beschriben ist/ so hab ich diss Buch teilt in 8. Büchlein oder vnderscheidt. Das